## 庫全書

子部

欽定四庫全書武編後集卷四

子部

詳校官中書臣丁崇祚 編修臣倉聖脈覆勘

校對官中書 腾绿監生臣 臣 范廷驊 牛稔文

總校官知縣臣

楊懋珩

欠己コトニショ 國秦師伐趙趙奢之 萬五千人絕趙軍後又一 7 将軍趙指出兵攻秦軍秦軍佯敗而走 趙軍逐勝追造春壁堅不得入而秦 子枯代廉煩將拒秦於長平 武納後非 明 一軍五十騎絕趙壁間 唐順之 撰

景又戒梁人曰逐出不過二里會戰給宗實敗走梁人 戰給宗以孫人剽悍恐其衆不能支一 築壁堅守以待救秦王開趙食道絕自之河内發卒遮 東魏侯景叛高澄歸梁圍彭城澄遣慕容紹宗討之将 絕救兵趙卒食絕四十六日陰相殺括與銳卒自摶戰 心口我當伴退誘吾兒使前汝可擊其背申明戒之 **泰軍射殺之趙軍大敗抗卒四十餘萬** 趙軍分而為二糧道絕而泰出輕兵擊心趙戰不利 引諸将而 国 誑

金分四月全書

欠にり事とい 隋軍大潰自相騰籍死者萬餘世雄以数百騎而遁 至精兵数千人伏河間南界澤中悉拔諸城偽道去入 隋薛世雄爲右翊衛將軍竇建德僣稱長樂王遣世雄 敗之 豆子航中世雄以為建德果亡乃不設備建德現知之 率兵三萬討之至河間城南營於七里井建德聞世雄 自率敢死二千人襲擊世雄會雲霧畫晦而兩軍不辨 不用景言乗勝深入魏人以紹宗之言爲信掩擊遂 7 武编後集

生來之中軍與左軍咸却太宗自南原遥見塵起知義 出兵高祖因謂隴西公建成曰汝看兩陣將交引左軍 宗陣於城南老生塵兵疾進先薄高祖而建成墜馬老 之軍背城而列陣高祖以中軍與建成合陣於城東太 直趙東門命太宗引右軍直趙南門以斷其歸路老生 師退率二百騎馳下峻坂殺一賊將遂衝斷其軍出其 數騎詣其城下舉鞭指塵若將圍城者老生怒開門

金少世人一

隋末高祖起兵自太原至霍邑隋将宋老生守城太宗

卷四

郭子儀討安慶緒渡河圍衛州慶緒率衆来援分三軍 **誼兵機接子英輕追如此者再三寶誼悉兵逐之伏兵** 唐姜寶誼武德初為右武衛將軍時劉武周將黃子英 陣後表裏齊誤隋師大潰遂擒老生而平霍邑 發軍遂大敗寶誼為賊所擒 往來崔鼠谷高祖令寶誼擊之子英數以輕兵挑戰寶

欠己日東上島

武編後集

候吾小却賊必爭進則登城鼓譟弓弩齊發以逼之既

子儀陣以待之預選善射者三千人伏於壁内誠之曰

春秋時齊師伐魯公將戰曹劌請從公與之乗戰于長 戰子儀偽退賊果來之乃開壘門遂聞鼓諫弓弩齊發 金分口屋石膏 公將馳之劇日未可下視其轍登軾而望之曰可矣遂 勺公將鼓之劌曰未可齊人三鼓劌曰可矣齊師敗績 天注如雨賊徒震駭因整衆追之賊衆大敗 逐齊師既克公問其故對曰大國難測也懼有伏焉吾 視其轍亂其旗靡故逐之 闙 圍 を四

**灰定四車全書** 臧宫将數千人圍之賊食多數攻不下士卒死傷帝召 費邑軍歷下又分字祝阿鍾城弇先擊祝阿自旦攻城 建武中妖贼单臣等相聚入原武劫掠吏民自稱將軍 後漢初張步據齊地漢將耿弇總兵討之步使其大將 未日中而拔之故開圍一角令其衆得奔歸鍾城鍾城 無久立其中必有悔欲亡者但外圍急不得出耳小緩 公卿諸侯問方畧明帝時為東海王對曰妖巫相劫勢 聞祝阿已潰大恐懼遂空壁亡去 武編後集

若受之更開逆意賊利則進戰鈍則乞降縱敵長恐非良計 今海内一統唯黃巾造鬼納降無以勸善討之足以懲惡令 形同而勢異者皆春項之際人無定主故賞降附以勘來耳 斬之餘賊韓忠據宛乞降不許司馬張超請聽之馬曰兵有 後漢末將軍朱傷與荆州刺史徐琴共討黃中擊賊的趙弘 緩守賊衆分散遂拔原武斬单臣等 之合得逃亡則一亭長足以擒矣帝然之即物令撤圍 也因急攻之連戰不尅雋登土山視之顧謂張超曰吾

卷四

並降 校李復鼓眾以亂淄青之附者合数萬人山東復擾彌 易破之道也既而解圍忠果出戰馬因擊大破之忠等 大檄世忠将所部追擊至臨淄河兵不満千分為四隊 韓世忠時勝提軍張師正敗宣撫司使李彌大斬之大 知之矣賊令外圍周固內營迫急乞降不受欲出不得 今不如撒圍并兵入城忠見圍解勢必自出出則意散 所以死戰也萬人一心猶不可當况十萬乎其害甚矣

次足四華全書 一

武編後集

仁言於操曰圍城必示之以活門所以開其生路也今 曹操克袁讓圍壺關下令曰城振皆坑之連月不下曹 於是衆悉就降黎明見世忠軍未至始大悔失色 勝逐北追至宿遷賊尚萬人方擁子女椎牛縱酒世忠 勒殺於是莫敢返顧皆死戰大破之斬復餘黨奔潰來 汝功名賊駭慄請命因跪進牛酒下馬解鞍飲啖之盡 單騎夜造其營呼曰大軍至矣亟東戈卷甲吾能保全

金グロると言

布鐵蒺藜自塞歸路令曰進則勝退則死走者命後隊

次足四車全馬 後魏末高歡起義兵於河北爾朱兆等諸將同會鄰南 傷守之則引日久今頓兵堅城之下攻必死之虜非良 士馬精强號二十萬圍歡於韓陵山是時歡馬二千步 計也太祖從之城遂降 卒不滿三萬人兆等設圍不合歡為圓陣連繫牛馬盧 白塞之於是将士死戰四面奮擊大破兆等 公告之必死将人自為守且城固而糧多攻之則士卒 窮冦 武編後集 六

金にないたろう 挾山示弱取敗之道不如結陣衝之彼必憚我而不戰 楊軌教業紹以業等軍盛欲從三門關挾山而東纂曰 皆曰善屬衆果赴水溺死者百數於是大破賊衆 後凉吕光遣二子紹纂伐段業南凉禿髮烏孤遣其將 欲渡湟水道阨狹充國徐行驅之或曰逐利行遲充國 漢趙充國討先零羗羗久屯聚解弛忽覩大軍棄輜重 也紹乃引軍而南業將擊之其將沮渠蒙遜諫曰楊軌 曰窮冦也不可迫緩之則走不顧急之則還致死諸将

遣使報消難皆不返去虎牢三十里武疑有變欲還忠 等率騎士五千迎之從間道馳入齊境五百里前後三 恃勇騎之强有窺伺之心紹纂兵在死地必決戰求生 高齊北豫州刺史馬消難請降於周周遣楊忠達奚武 乃按甲兵不戰紹亦難之各引兵歸 不戰則有太山之安戰則有累卵之危業曰卿言是也

次定四車全書 ~

武編後集

聞擊拆聲武親來麾數百騎西去忠勒餘騎不動侯門

曰有進死無退生獨以千騎夜趣城下城四面峭絕但

難及其屬先歸忠以三千騎為殿到洛陽皆解鞍而卧 東埤舉烽嚴警武憚之不欲保城乃多取財帛以餌消 開而入馳遣召武齊鎮城將伏敬遠勒甲士三千人據 狄 青當與虜戰大勝追奔數里虜忽壅遏山嵎知其前 齊兵不敢逼遂徐引而還 齊衆來追至洛比忠謂将士曰但飽食今在死地賊必 必遇險士卒皆欲奮戰青處鳴鉦止之虜得引去驗其 不敢渡水當吾鋒食畢齊師問若渡水忠馳騎将擊之

をクロ

欠己日華之事 一 歸韓信說漢王曰項王王諸將之有功者而王獨居南 處果臨深澗將佐悔不擊青獨曰不然奔命之虜忽止 鄭是遷也軍吏士卒皆山東之人也日夜跂而望歸及 劉項爭天下之際漢王至南鄭諸将及士卒皆歌思東 重萬一落其術中存亡不可知寧梅不擊不可悔不止 其鋒而用之可以有大功天下已定民皆自寧不可復 而拒我安知非謀軍已大勝殘冠不足利得之無所加 歸師 武編後集

金发也是人門 **奇兵會明賊謂操為遁也悉軍來追乃縱竒兵歩騎來** 守險操軍前後受敵操乃夜鑿險為地道悉過輜重設 繡兵來追操軍不得進連管稍前到安衆繡與表兵合 曹操圍張繡於穰劉表遣兵救繡以絕軍後操將引還 用 攻大破之操謂荀彧曰虜遏吾歸師與吾死地戰是以 宋建武初魏圍鍾離張欣泰為軍主隨崔慧景救援及 知 勝

被殺 景欲斷路攻之欣泰說慧景曰歸師勿過古人畏之兵 次足四車全 澤堅命行敵討之敵勇果輕敵不恤士衆別聞其至也 前秦将堅征晉至壽春兵敗還長安慕容別起兵於華 魏軍退而邵陽洲上餘軍萬人求輸馬五百疋假道慧 之心宜驅令出關不可遏也敵弗從戰於華澤敵敗績 懼率衆將奔關東叡驅兵邀之姚萇諫曰鮮甲有思歸 在死地不可輕也慧景乃聽之過 武編後集

難與爭鋒不如從温圍北渡越萬解堆阻水結管制其 齊肅未可輕也今因抄掠之資率思歸之士人自為戰 羊數十萬而還傉檀率衆追之其將焦殷曰勃勃御軍 夏赫連勃勃伐秃髮傉檀大敗之驅掠二萬餘口牛馬 後凉日弘攻段業於張掖不勝將東走業議欲追擊 傷萬計 咽喉百戰百勝之術也停檀不從勃勃聞而大喜乃於 タジロ 陽武下峽鑿陵埋車以塞路勒衆逆擊傉檀大敗之殺 卷匹

欽定四庫全書 擊之董卓曰不可兵法窮冠勿遏歸衆勿追今我追國 曰不然前吾不擊避其銳也今而擊之待其衰也所擊 是迫歸衆追窮冠也困獸猶關蜂萬有毒况大衆乎嵩 追之為弘所敗 後漢凉州賊王國圍陳倉不拔而去將軍皇甫嵩進兵 不如縱之以爲後圖業曰一日縱敵悔將無及遂率衆 其將沮渠蒙遜諫曰歸師勿遏窮冦勿追此兵家之戒 截歸 武編後集

老我師若分兵擊其左右悦必救之則我腹背受敵戰 糧少而深入何也燧曰糧少利連戰兵法善於致人不 致於人今田悦與恒州淄青三鎮為首尾計欲不戰以 唐馬燧討田悦軍中乏糧悦深壁不戰燧令諸軍持十 國走而死 也遂獨進擊之使卓爲後拒連戰大破之斬首萬餘級 疫師非歸衆也國衆且走莫有關志以整擊亂非窮冤 糧進次滏口與悦夾洹水而軍李抱真與李芃問曰

欽定四庫全書 悦乃率淄青恒州步騎四萬人踰橋掩其後乗風縱火 待軍畢發止角匿其旁伺悦畢渡焚其橋軍行十數里 爲諸軍破之燧乃造三橋道愈洹水自挑戰悦不敢出 先鷄鳴時擊鼓吹角潛傍洹水徑趨魏州令曰聞賊至 恒州兵以軍少懼為燧所并乃引軍合於悦悅謂燧明 則止為陣又令百騎鳴鼓吹角皆留於後仍抱新舉火 必不利故進軍逼悦所謂攻其所必救也彼尚出戰必 日復挑戰乃伏兵萬人欲邀燧燧乃令諸軍半夜皆食 武編後集

後周大將宇文護伐齊遣將尉遲迴圍洛陽為敵所敗 走橋橋已焚悦軍亂赴水斬首一萬 鼓躁而退燧乃坐甲令無動命前除草斬荆棘廣百步 直出得與大軍合冒頓引兵去 前漢高帝匈奴圍於平城七日高帝使使間厚遺關氏 至比悦軍至則火止力少衰乃縱軍擊之悦軍大敗悦 以爲陣燧出陣募勇士得五千餘人分爲前部以俟賊 乃開圍一角於是高帝令士皆持満傅矢外嚮從解角 港匹

宋太宗時契丹與西賊相結窺邊上密授成算於府州 遂從之全軍而返齊人弗悟而不追若追之必克也 大王年少未經軍事豈可將數營士衆一朝棄之乎憲 明更戰武欲還固爭未决武曰洛陽軍散人情駭動若 不因夜速還明日欲歸不得武在軍旅久矣備見形勢 周將達奚武與齊王憲於邙山禦之至夜收軍憲欲待 御卿使為之備至是敵將韓德威萬餘衆誘黨項勒

COUNTY IN

浪等族自振武入冠御卿大敗之於河义勒浪等族乗

武编後集

敵之亂詐為府州兵躡其後敵衆死者十六七奏至上 垣砦文靖慮狐軍難守乃與從周啓閩出師文靖爲殿 觀之其勒浪等族既與敵有除悉款塞內附 將勿與爭鋒待其深入即分奇兵衙其歸路從而擊之 召其使問狀因笑謂左右曰北部小醜輕進易退常戒邊 後命矢刃皆外向持重而還晉人不敢逼 必無遺類果如我言左右呼萬歲因遣內侍往圖地形 五代黄文靖佐葛從周爾 入路會晉軍十餘萬俯外

多定四库全書

破之权業乃令將佐守所列之陣自率精甲數千人救 頓於城東列陣將置長圍永所伏兵於道左擊其後軍 填塞外塹夜伏戰士一千人於城外及晚而叔業等至 欠しりまれるは 丧其膽俘此足矣何暇追之 破之叔業奔走左右欲追永曰弱卒不湍三千彼精甲 之永上門樓觀叔業南行五六里許便開門奮擊遂推 魏傅永為豫州刺史南齊將裴叔業来侵楚王戍永令 猶盛非力屈而敗直墮吾計中耳既不測我之虛實足 武編後集 1

之屬衆盛不敵會日暮今士各交縛兩炬三頭然火虜 後漢廉范為雲中太守會匈奴大入塞范自率士卒拒 金分四月万十

卷四

陳登守廣陵孫策遣軍攻登於康琦城登使人求救於 擊之斬首數百級虜自此不敢向雲中 遥見火多謂漢救兵至侍朝將退范令軍中蓐食晨往 曹公而客去城十里軍營處所多取柴薪兩東一聚相

·步縱橫成行令俱起火互然其聚城中稱慶若太

軍到賊覩光衛清登勒兵追奔斬 首萬級

秦行堅陷襄陽晉將桓冲攻之堅將慕容垂等率兵步

驅

率壯

勇西

圍

郡邑父老妻弱尚保舊村岩步卒一臨

不戦

而

勝

昭

然在

目

日

河東治在

浦

坂

西带河湄所部之人多在東境

循義

騎五萬攻襄陽以石越為前鋒次於污水垂越夜命三 軍人持十炬 火繫炬於木枝光照數十里冲懼退還

明

宋晉安王子勛舉兵反潯陽遣臨川内史張淹自 鄱陽

**畅道入三吴明** 帝命將討之時朝廷器甲悉充南討故

軍容寡闕乃編 一機皮為馬具折竹為寄生夜舉火進軍

欽定四庫全書 卷四後集

賊望見恐懼未戰 而 走

後魏雍 次 弘農副 州 將楊品曰 刺史蕭寳寅據州 昔魏武與韓遂馬起挟關為壘 反魏大 將長孫維討之軍

阻 負之理久 難 用 智力今賊 而 未决豈才雄 守潼關全據形勢縱曹操復出亦 相 類莫略抗衡當以 河 山 無

所 逞奇必須 取浦 坂飛棹西岸置兵死地人有關 15 潼

義已 之贼 **公**路 圍河東薛風賢又保安邑雖有此 風 而 散 諸處既平長安自克维 計 猶用為 曰 賊黨薛循 疑

> 雄從之令其子彦等領騎與侃 方寸各亂人人思歸則 郡 圍 自解 於弘農北度所統悉是

停軍於此以待歩卒兼觀人情 騎士習於野戰未可攻城 便據 石壁品 向背然後行若送降名 乃 班 告 曰 **卒**且

之者 者各自還村候臺軍舉烽火亦應之以明 即是不降之村 理須珍默賞資軍士人遂傳 降款其無應 柏 輿

告報未實降者亦詐舉烽一夕之間火光遍數百 里

欽定四庫全書 卷四卷集

有力 寶寅將時圍河東不測所以各自散歸長安賊平

偘

頫

内

掠先是常先遣居人入 魏 將 宇文 測 行 綏 州 城 事每歲河 堡以 避 之測至皆令安 冰合 後突 厥 PP 堵 來冠 如

西

舊乃於要路數百處多積柴仍遠斥候何其動靜是年 十二月突厥從連谷入冠 時縱火突厥謂有大 軍至懼 去界數 而 遁走自 十 里測 命積柴之處 相 蹂践

闆 雜畜及輜重不可勝數測徐率所部收之分結百姓自 軍人以火應之磷懼以為官軍悉濟矣遂以兒女及麾 人執兩炬以疑之隔江望者兼水中之影一皆為二璘 乎江津璘登埤望之竟日始有懼色其夕銑令多燒火 唐永王璘拒命肅宗使中官啖延宗招討之判官李鉄 是突厥不敢復至 下宵遁 以廣陵步卒三千同出於瓜步洲廣張旗幟耀

とこりる へいう

武编後集

共

賊大懼疑有伏兵自相殺者萬計 二千卷甲倍程與臨洮軍合皎出奇兵七百人在蕃後 析公曰楚師輕窕易震蕩也若多鼓釣聲以夜軍之楚 動定四庫全書 晉侯伐齊齊侯登巫山以望晉師晉人使司馬斥山澤 夜襲之去賊五里置鼓角令前者遇賊大呼後者擊鼓 唐王皎爲朔方副總管吐蕃精甲十萬冠臨洮皎率步兵 師必遁晉人從之焚師宵潰 春秋時楚子儀之亂析公奔晉晉以爲謀主繞角之役 发

終日賊以軍無後斷故至此今疾進出其不意所謂先 賈逵曰休敗於外進不能戰退不能還安危之機不及 曹休與孫權兵戰休敗權追兵銜夾石諸將不知所出 之險雖所不至必が而疏陳之使来車者左實右偽以 魏將軍曹與襲蜀蜀將劉敏王平鎮漢中拒之或謂但 疑兵贼見遂退 **柿先與曳柴而從之齊侯見之畏其衆也乃脫歸** 以奪其心賊見吾兵必走乃兼道進軍多設旗鼓為

とこりらいい

•

武编後集

せ

多定四库全書 東晉末桓玄篡晉劉裕起義兵討之玄使将桓謙屯覆 謙陣皆殊死戰無不以一當百時東北風急毅軍放火 舟山裕先使羸弱登蔣山多張旗幟以油帔冠諸木杪 煙塵漲天鼓躁之聲震駭京邑謙軍一時奔散 遍滿山谷玄不之測大懼裕乃與劉毅等分數隊進哭 張旗幟亘百里會費禕至軍退 栖畝岩聽之入則大事去矣遂率所領與平據形勢多 可守城不出拒敵敵必自引退敏以為男女布野餘糧 卷四

欽定四庫全書 多齊旗鼓設疑兵以威突厥定與不納太宗謂之曰始 城外纛命二騎曰出追大軍賊黨似懼一時降服 弱冠召募從軍隸屯衛將軍雲定與師將發太宗勸之 隋煬帝為突厥所圍郡縣皆發兵赴援時唐太宗年末 皆駭愕亮乃壓兵斬定兒縣首州門號令賊黨仍送指 亮襲之定兒以義兵猶遠未爲備亮乃将三十騎先置 後魏幽州刺史孫定兒據州不下衆數萬宇文泰令劉 一蠢於近城高嶺即馳入城定兒方高會卒見亮至泉 文 明後集

史王明領戰艦爲江路巡檢偽将朱令賛自湖口領兵 必不能支矣定與從為將次崞縣突厥候騎馳告始果 懼望塵而退此計之上也不然爲彼所輕悉軍來戰公 宋開寶中代金陵王師自荆渚乗戰艦而下以黄州剌 之盛必謂救兵雲集令者進師可前後相次數十里間 連旦不絕畫則播旗夜則金鼓相應以張形勢則必見 **曰兵大至矣遂解圍而退果如所料** 掃其境內敢圍天子本疑國家倉卒無援忽見旗鼓 出塗口與葛榮遇衆寡非敵葛榮聞之喜乃令其衆粹 後魏葛榮舉兵向京師衆號百萬相州刺史李神為閉 門自守爾朱榮率精騎七千人馬皆有副倍道兼行東 木岩帆橋之狀令質望見果疑我師襲其後逗留不進 夕至金陵之圍解矣乃密遣人諭明於州浦問多立長 移機諸軍生擒令贇 援明請益舟師以襲令贅上曰非應急之策也令贅朝 十五萬連大艦沿流而下将焚采石浮梁直抵金陵為

|飲定四車全書

武編後集

隋楊義臣為朔州總管煬帝即位漢王諒作亂代州總 當衝突榮身自陷陣出于賊後表裏合擊大破之於陣 時不聽斬級以棒擊之而已處廢應援乃分命壯勇所 擒葛榮餘衆悉降 樂潛軍山谷為奇兵分督將以上三人為一處處有數 長繩曰至便縛取之自鄰以北列陣數十里翼張而進 刀不如棒密勒軍士馬上各齊棒一枚置於馬側至戰 百騎令所在楊塵鼓課使賊不測多少又以人馬逼戰

白ダロムノー

| 吹足四車全書 | 一成編後集 鼓潛驅之出其不意義臣晡後與鍾葵戰兵初合驅牛 兵少悉取中軍牛騙得數千頭復今兵數百人人持一 管李景爲漢王將喬鍾葵所圍部義臣教之義臣自以 後漢虞詡爲武都太守討叛羌羗率衆數千遮詡於陳 發因而大潰縱擊破之 聽者疾進一時鳴鼓塵埃漲天鍾葵軍不知所爲伏兵 乃分掠旁縣詡因其兵散日夜進道兼行百餘里令吏 倉崎谷詡停軍不進宣言上書請兵須到乃發惹聞之

魏文帝至廣陵吴人大駭乃臨江為疑城自石頭至於 士各作兩竈日增倍之惹不敢逼既到因設伏於淺水 掩擊大破之 物方於岸上分之行旅皆住船不敢進堅謂父曰此賊 吴孫堅少時與父共載船至錢塘會海賊掠取賈人財 江西望甚憚之遂退軍 江東架以木幹衣以葦蓆加采石馬一夕而成魏人自 可擊請討之父曰非爾所圖也堅行操刀上岸以手東

金グセルノニ

卷四

次之四軍全事 · 成編後集 節度憲密謂椿曰兵者詭道汝今爲營不須張慕可伐 **屯千里徑宇文椿屯鷄棲原宇文盛守汾水關弁受憲** 後周齊王憲大舉代齊憲為前鋒守雀鼠谷時陳王純 文盛馳告惡憲自敗之齊人遽退盛逐之多有斬獲俄 人向千里徑又令其衆出汾水關自率大兵與椿對字 栢馬庵示有處所令兵去之後賊猶致疑時齊主分軍萬 之即委財物散走堅追斬得一級而還 西指麾岩分部人兵以邏遮賊狀賊望見以爲官兵捕

戰國魏将田豫率兵追擊鮮軍單將銳卒深入虜庭胡 結屯營多聚牛馬冀然之從他道引去胡見煙火不絕 人果謂栢庵爲帳幕不疑軍退翌日始悟 而椿告齊衆稍逼憲又救之會被物追還率兵夜返齊 分グロルノニー 以爲尚在行數十里乃知之 三千陣牛心翁復立虚寨設疑兵是夜敵果至斬首萬級 阿术軍還宋兵邀襄樊間阿术乃自安陽濟江留精騎 人衆多鈔軍前後斷絕歸路豫乃進軍去虜衆十餘里

欠己り事と与 時見旗幟循堞往來晉王曰我聞劉鄩用兵一歩百計 時服其謀 迹遣騎覘之無斥候者城中亦無煙火但鳥止於壘 馬及旌旗虛設於高岡之上晉人疑有伏兵遂不敢追 咸稱不病乃退因選精卒殿後徐而退之至會關留數 劉鄩拒晉以晉兵盡在魏州晉陽必虛欲以竒計取之 後梁劉鄂圍晉陽將還戒衆曰有病者殺而焚之三軍 乃潛引兵自黄澤西去晉人怪鄰軍數日不出寂無聲 武編後集 Ī

宋又為長人服火衣作關機以動止執矛戟旗**幟飾以** 時江南東道轉運副使曾昇奏訪聞方臘賊徒雖多全 必許也更使说之乃縛旗於獨偶之上使騙負之循媒 少器械惟以人衆為技本路所遣官兵各持器械而賊 自鄰至者言鄰軍已趣黃澤晉王發騎追之 以丹黛假為妖怪以驚我師復在巢穴四面設險陰為陷 徒獨以數百人前後喬拳轍困官兵童子婦人在前餘 而行得城中嬴老者詰之云軍去已二日矣既而有 卷四

每分四屋白書

我再遇夜縛藁人數十衣以甲胄持旗幟戈矛儼立成 以至擒殄 之人的劉與童貫譚積自此賊情漸虚官兵始知所向 開禧用兵諸将皆敗唯畢再遇數有功敵常以水櫃敗 丹黛為鬼神之貌以感官兵皆不足畏必得勢知道路 四視日已晚乃以香料煮黑豆布地上復前搏戰佯為 行昧爽鳴鼓敵人驚視亟放水櫃旋知其非真也甚沮 乃出師攻之敵大敗又當引敵與戰且前且却至於數

KILD WALK LAMES

武编後集

Ī

蜜叛荆湖制司遣兵討之 以竹為箭傅以毒藥略着 其為空管復相持竟日及覺欲追則已遠矣近時流州 我師反攻之敵人死者不勝計又當與敵對壘度敵兵 敗走敵来勝追逐其馬已機聞苴香皆就食鞭之不前 智裝束藁人羅列焜燿蠻見之以為官軍萬矢俱發何 至者日衆難與爭鋒一夕抜管去慮來相追乃留旗幟 人肉血濡縷無不立死官兵畏之莫敢前乃祖再遇之 於告并縛生羊置其前二足於鼓上擊鼓有聲敵不覺

多分四月石書

宋檀道濟都督在討諸將事與魏軍三十餘戰多捷軍 後趙将石虎領兵救陳川為祖逖所敗兵掠豫州留将 **乆 益懼無復膽氣** 果逐之皆棄擔而走賊既獲米謂逃衆豐飽而胡戍饑 桃豹守譙城居西臺逃與豹共處一城賊從南門出入 其矢盡乃出兵攻之直掛其穴一戰而平 千餘人運上臺又使數人擔米僞爲疲極而息於道賊 放牧巡軍開東門相守四旬巡以布甕盛土如米狀使

欽定四庫全書

武編後集

擊匈奴貴人將十騎出獵見匈奴三人與戰被射傷中 散具上及旦魏軍知資糧有餘故不復追以降者為安 是士卒憂懼莫有固志道濟夜唱籌量沙以所餘少米 漢景帝時匈奴大入上郡天子使中貴人從李廣勒兵 濟雖不尅定河南全軍而返 甲身白服來與徐出外圍魏軍懼有伏不敢逼乃歸道 斬以徇時道濟兵寡弱軍中大懼道濟乃命軍士悉去 至歷城以資運竭乃還卒有降魏者具說糧食已整於 卷匹

三人令其騎張左右翼而廣身射彼三人殺其二人生 貴人走廣廣口必是匈奴射鵰者也廣乃使百騎往馳 **陣二里所止皆下馬解鞍其騎曰虜多且近即有急奈** 以為大軍之誘必不敢擊我廣令諸將曰前未到匈奴 大軍數十里今若走匈奴追射我立盡若我留匈奴必 騎驚上山陣廣所從百騎皆大恐欲馳還走廣曰吾去 得一人果射鵰者也遥見匈奴有數干騎見廣以為誘 何廣曰彼屬以我爲走今皆解鞍示不走用堅其意胡

飲定四車全書 一人 武編後集

蒀

蜀諸葛亮也陽平遣魏延并兵東下亮惟留萬人守城 旗息鼓操軍疑有伏引去 遇遂前沒其陣且關且却操軍追至營雲更大開門偃 曹操軍臨漢中蜀將趙雲將數十騎輕行卒與操大軍 暮胡兵終怪之卒不敢擊向夜半時胡兵以爲漢有伏 軍於旁皆引兵去詰朝廣乃歸其大軍 騎奔射殺之復還其騎中解鞍令士皆縱馬卧是時會 騎逐不敢擊有白馬將出護其兵於是廣上馬與十餘 飲亡四華全島 · 衆煩笑之道根曰怯防勇戰此之謂也理城未畢會魏 意氣自若勒軍中皆偃旗赴鼓不得出養慢開四門掃 馬懿謂吾有疆伏循山走矣候邏還白如亮所言懿後 六十里旗候白懿說亮城中兵少力弱將士失色亮是時 知深以爲恨 魏將司馬懿率二十萬衆拒亮而與魏延軍相錯徑前 齊將馮道根守阜陵理城隍遠斥候有如敵將至者 却灑懿疑其有伏於是引軍北趣山亮謂祭佐曰司 武編後集 天

戦敗之 所識乃使二人各乗一馬突陣而出賊以為謹也皆争 失色道根命開門緩服登城選精鋭二百人出與魏将 其衆不以為慮乃進軍逼謹謹當乗駿馬為紫駒賊先 以衆寡不敢退必不免乃散衆騎使匿從薄間又遣人 魏將于謹當率輕騎出塞現候屬鐵勒數千騎奄至謹 將率兵二萬奄至城下道根塹壘未固城中象少衆皆 かりした人 口指麾岩部分軍聚者鐵勒望見雖是有伏兵既恃 卷四

たこうう 從乃下車據胡床指麾處分賊以為有伏發也懼不敢 稍龍攘三千人馳擊之艾左右大擾或勸艾乗馬艾不 前京張重華以謝艾為軍師率騎三萬進軍臨河後趙 而行秋望而怒日艾年少書生冠服如此輕我也命黑 石季龍將麻秋以三萬衆拒之艾東韩車冠白焰鳴鼓 逐之謹乃率餘軍擊追賊遂奔走因得入塞 义遣將緣河截其後秋軍乃退艾東勝奔擊遂大敗 1.1 1.10 代編多長 Ē

唐吐蕃陷爪州王君矣死河西恟懼以張守珪為爪州 兵不敢逼 攻惠惠擊之皆披靡至夜惠引去散騎復来追之惠徐 惠為右軍歡兵举左軍趙青等戰不利會日暮歡進兵 多定四母全書 刺史領餘東方復築川城賊又暴至暑無守禦之具守 西魏宇文泰與東魏高歡戰於印山趙貴為左軍若于 以異乎乃建旗鳴角次敗軍徐還歡追騎惮惠髮有伏 下馬爾命厨人營食食說謂左右曰長安死此中死有 卷四年 安坐櫛髮氣貌自若賊既合圍有終引竒兵出其後擊 面立柳會夜陰晦賊衆奄至鼓課舉火士伍恐懼有終 道制之乃於城上置酒作樂以會將士賊疑城中有備 珪曰彼衆我寡又創痍之後不可以矢石相持須以權 不敢攻城而退守珪總兵擊敗之 宋將雷有終討蜀賊李順進至廣安軍軍壘瀕江三 )城衆驚擾赴水死者無算 先聲 武編後集 天

齊必拒境以自強無齊相持而不下劉項之權未有所 **罷其實難用今將軍欲舉倦獎之兵頓之燕堅城之下** 韓信曰僕欲北攻燕東代齊若何而有功對曰今將軍 欲戰恐久力不能拔情見勢屈曠日糧竭而弱燕不服 **聚名聞海内威振天下此將軍之所長也然而衆勞卒** 涉西河虜魏王豹一舉而下井脛不旬朝破趙二十萬 漢王遣韓信破陳餘後信募致廣武君李左軍師事之 分也若此者将軍之所短也臣聞善用兵者不以短擊

次足り事とき 從使者東告齊齊必從風而服雖有智者亦難為齊計 平蜀以來吴吴人震恐席卷之時也然大舉之後将士 魏鄧艾既平蜀言於司馬昭曰兵有先聲後實者今因 矣如是則天下事可圖也兵固有先聲而後實者此之 辯士奉咫尺之書暴所長於熊熊必不敢不聽從熊戶 里之内牛酒日至以餐士大夫驛兵北首燕路而後遣 長而以長擊短為將軍計莫如按甲休兵鎮撫其孤百 謂也韓信並從之無齊從風 武編後集 夫

國子盡圖之子家以告公公恐晏嬰聞之曰君固無勇 **苔人皆請以車千來自其鄉入既許之矣若入君必失** 春秋晉侯伐齊齊侯禦諸平陰塹防門而守之廣里晉 将范宣子告齊大夫析文子曰吾知子敢匿情乎魯人 艾誅不果行 舟船然後發使告以利害吴必歸化可不征而定也會 疲勞不可便用且徐緩之煮鹽與冶為軍農要用並作 薢 卷四

金罗口屋 有電

戒之使偃藏旗幟寂若無人彼若使人觀察則告之曰 **梁雍州刺史嶽陽王蕭答雖稱潘於西魏而尚有二心** 自愛堅守後七八日大軍将至相禁不復得走敬使人 趙石勒荆州監軍郭敬冠晉襄陽勒驛令敬退屯樊城 而又聞是弗能久矣齊師夜遁 撫以爲勒大軍至懼而奔於武昌敬遂入襄陽 浴馬於津周而復始晝夜不絕偵諜還晉南中郎將周

Kal Diet Lister

西魏将楊忠自樊城觀兵於漢濱揚旗通進實騎二千

武编後集

**營樓觀以為三萬懼而服焉** 兵少不敵心煩憂之謂裨將趙行實曰但得老賊在東 後唐將李存審初為都指揮使梁太祖北伐至棗强存 南鄙之事付我等數人今西道無兵循縣危急我等坐 倫冠脊縣攻城甚急存審謂趙行實曰吾王方事北面 別將西來尚可從容畫策不旬日楊師厚攻棗强賀德 審以騎兵三千屯於趙州初梁君聲言五十萬存審以 視其弊何以自安老賊既不下脩城必西冠深冀不預

多好四月在書

精騎八百急趣信都扼下博橋道存審令史建塘李嗣 為方畧則滋蔓難圖與公等輕騎而行觀其所向乃選 至遇梁軍之樵易者數百人皆殺之留數人斷臂縱去 肱分兵拒守建塘分麾下五百騎為五軍一軍至衛水 倫共攻脩縣始至縣西未及置營嗣肱建塘各領百餘 各命俘賊討夠糧者十人而會於下博橋期曰諸軍所 口為我語朱公晉王大軍至矣時梁祖引師厚兵就德 軍至南宫一軍至信都一軍至阜城自将一軍深入

Calquat Xadino

武編後集

圭

一多 近四月全書 歸皆言唐兵大至梁祖大駭遂命夜遁 **營門殺其門者縱人大呼俘斬而旋其芻蕘者斷臂得** 劉裕率兵伐南燕慕容超走廣固且乞師於秦裕築圍 蘭破則飛必走乃集兵擊蘭大破之飛果走 兵潛行今及張虚聲此其不能也宜及其未集縱擊蘭 張飛屯固山欲斷軍後衆議狐疑洪曰賊實斷道當伏 騎為賊旗幟服色與獨糧者相雜而行至幕及賀德倫 後漢末劉備遣將吳蘭屯下邳曹公遣曹洪征之備遣 卷四

欽定四庫全書 興救奄至不審何以待之裕笑曰此是兵機非卿所 一守之秦王姚與遣使告裕曰慕容氏相與鄰好又以窮 息甲三年當平關洛今能自送便可速來劉穆之後聞 長驅而進裕乃呼與使者謂曰語汝姚與我滅燕之後 告急今當遣鐵騎十萬徑據洛陽晉軍若不退者便當 興使馳入見裕而秦使已去裕以興所送并答語示穆 何率爾便答此語未能威敵適重彼怒耳若燕未可扳 之穆之尤之曰常日事無大小必同與謀此宜善詳云 武編後集

聲而以惑衆心耳勒軍中不得輕動錢溪提報尋至果 實敗萬人中要應有逃亡得還者必是彼戰失利唱空 遣人傳唱錢溪已下官軍並懼沈攸之曰不然若錢溪 **久軍主張興世越鵲尾上據錢溪顗黨劉胡攻之不下** 先遣信命此是其見我伐燕內已懷懼自殭之辭耳與 宋雍州刺史袁顗舉兵及公流入鹊尾與官軍相持既 故不語耳大兵貴神速彼若審能追救必畏我知寧容 果不出師廣固終振擒慕容超平齊地

将書曰即墨即降願無掠虜吾族家妻妾令安堵熊将 呼萬歲田單又收民金得千鎚今即墨富豪遣使遺燕 士令甲卒皆伏使老弱女子来城遣約降於燕燕軍皆 身操板挿與士卒分功妻妾編行伍之間盡散飲食饗 戰國熊軍大破齊國齊將田單守即墨知士卒可用乃 追胡還遂敗之 大破贼攸之悉以錢溪所送胡軍耳臭示之題駭懼急 降

飲定四車全書

武編後集

曹操入荆州劉琮降得水軍安兵十萬孫權與操遇於 逃遁 楚因擊之紀信乃乗王車黃屋左纛曰食盡漢王降楚 大喜許之燕軍由此盆懈田單出軍擊大敗之 軍皆呼萬歲之城東觀以故漢王得與數十騎出西門 請誑楚可以問出於是陳平夜出女子東門二千餘 楚亞父勸項王惡攻榮陽漢王患之紀信曰事急矣臣 項羽圍榮陽漢王請和割滎陽以西者為漢以東者為

卷四

欽定四車全書 以爲虞大饗染師人皆醉飽矩謀夜襲之暢僅以身免 為備遣使奉牛酒詐降於暢潛匿精勇見其老弱暢不 屯於韓王故壘相去七里遣使招矩時暢卒至矩未暇 晉將李矩守榮陽城前趙劉聰將劉暢步騎三萬討矩 赤壁部將黃蓋曰今冠衆我寡難與持久觀操方連船 漲天人馬燒溺死者甚衆 引頸相望指言蓋降蓋放諸船同時發火時風猛煙焰 艦首尾相接可烧而走也乃先書報欲降曹軍吏士旨 M 武編後集 孟

首尾相衛牵綴彼兵使不得速退者則善之善也魴生 屬但窮因舉事不時見應尋受其禍耳如使青徐諸軍 自善也此間民非苦饑寒而甘兵冠苦於征討樂得北 為應未到江岸可住百里上令此間民知北軍在彼即 聞知者令說挑魏揚州牧曹休魴答恐民帥小醜不足 且曰今使君若從皖道進住江上魴當從南對羊歷口 仗任事或漏泄不能致体气遣親人齎牋七條以誘休 周魴爲都陽太守被命密求山中舊族名師爲比敵所

きりし

卷四

後魏崔延伯既破秦賊乃與蕭寳寅率衆會於安定甲 加神將軍賜爵關內侯 謂筋曰君下髮載義成孤大事君之功名當書之竹帛 謝故休聞之不復疑慮事提振旅帝大會諸將歡飲酒酣 計時頻有郎奉的諮問諸事舫乃詣部即下因下髮 合衆隨陸遜橫截体体幅裂瓦解所獲萬計的初建密 於江淮長於時事見其便利百舉百提時不再來敢布 腹心体果信魴帥步騎十萬輜重滿道徑來入皖魴亦

次已り事とより

武编後集

Ē

從西競下諸軍前後受敵延伯兵力疲怠賊乃乗間得 逐巡未屬俄而宿勒明達率衆自東北而至乞降之賊 卒十二萬鐵馬八千疋軍威甚盛時万俟醜奴置營涇 居中自涇州緣原北上衆軍将出未戰之間有賊數百 為鎖柱教習強兵負而超走號為排城戰士在外輜重 騎詐持文書云是降簿乙且緩師寶寅延伯謂其事實 爾奔北延伯於功負勝遂唱議先驅伐木別造大排內 州西北七里當元城時或輕騎髮來挑戰大兵未交便 卷四

金分口屋石書

於後突擊歡軍亂以此西魏得全而退 抱玉曰将軍能為我守南城二日乎抱玉曰過期若何 謹率其麾下偽降立於路左歡乗勝逐北不以為虞追 唐史思明陷洛陽賊鋒甚盛副元帥李光獨守河陽謂李 騎過盡謹乃自後擊之敵人大駭獨孤信又收集兵士 西魏宇文泰與東魏高歡戰於印山泰軍不利禪将于 排城延伯軍大敗

钦定四軍全書 !!

武編後集

光獨曰過期而救不至任棄城也賊師周擊先攻南城

徙伏匿浸以强盛使人給光實曰我數奔北勢窘不能 繼遷僅以身免獲具母妻於是繼遷復結婚於豪首轉 宋夏州李繼遷追在斤澤都巡檢曹光實選精騎襲之 **北城光弼以兵出戰大敗之** 弼自将於中禪城擊捨南城攻中渾不勝乃整軍將攻 給急攻之抱玉出奇兵表裏夾攻殺傷甚衆擊軍退光 軍以候之抱玉因得繕完設備明日堅壁請戰賊怒欺 将陷之抱玉乃绐之曰吾糧盡明日當降賊衆大喜飲 老匹 |吹定四車全書 | 旗幟諸山之上為疑兵令酈食其持重寶昭秦将秦將 豎易動以利願且留壁使人先行為五萬人具食益張 降光實信之且欲擅其功故不與人謀至期繼遷設伏 秦末天下兵起沛公西入武關欲以二萬人擊秦燒關 止領十數人近城迎光實從百騎赴之繼遷前漢北行 自存矣公許我降乎因陳舅甥之禮期某日於葭蘆州 下軍張良曰秦兵尚彊未可輕也臣聞其将屠者子賈 至其地忽舉手揮鞭伏兵盡起光實被害 武編後集 麦

化及糧且盡偽與和以與其衆化及弗之悟大喜恣其 叛士卒恐不從不從必危不如因其懈擊之沛公乃引 告化及大怒其食又盡乃渡永濟渠與密戰於童山之 兵食真密饋之會密下有人獲罪亡投化及具以密情 隋末宇文化及弑煬帝後率兵來攻李密於黎陽密知 兵擊之秦軍大敗 果欲連和俱西襲咸陽沛公欲聽之良曰此獨其將欲 下自辰连西密為流矢所中頓於汲縣化及掠汲郡  原李觀皆和善守信境外重之此時須令預盟翰約盟 告馬燧請重立盟誓則蕃軍引去德宗不許燧自入朝 相及元帥已下凡二十一人赴盟靈州節度杜希全涇 推沙堡深恨晟及渾瑊馬燧欲陰計圖之乃早詞厚禮 唐貞元三年吐蕃結賛入冠為李晟邀擊之又襲破其 結賛曰清水之會同盟人少是以和好輕慢不成令蕃 言之上令崔翰入蕃報結賛言還我鹽夏二州則同盟 **趣魏縣其將王智畧等率部衆歸於密者前後相繼** 

次定四軍全書 一

武編後集

精騎數萬列雪西給費又請城以下具衣冠佩劍城等 城城與結贅初約以兵三千列於增之東西是時番軍 判官城統兵二萬又該華州節度縣元光以本鎮兵從 改官今遣侍中渾城充盟會使崔漢衡副之鄭叔矩為 於清水結賛曰清水非吾地請盟於原州土黎樹盟畢 地多險阻恐蕃有軍隱伏不利不如平凉其地坦平且 則歸二州翰歸備奏其事神策將馬有麟奏曰土梨樹 避涇州為便帝從之詔報以希全只在靈州李觀又已

金少せた人門

戰不利典往救備見救至乃退 伏南道窄狹草木深不可追也不聽惇等果入賊伏裏 漢劉表遣劉備北侵至鄰曹操遣夏侯惇李典拒之 漢衡已下六十餘人皆陷於賊 朝備焼屯去惇遣諸軍追擊之典曰賊無故退疑必有 出自幕後偶得他馬跨而奔馳追騎雲合流矢雨集崔 入幕次坦無他應結替代鼓三通其衆呼躁而進城遽 退

大工日華在

武編後集

疌

魏太和三年孫權楊聲欲向合肥征東将軍淌罷禦之 所在日夜已走矣贼信之乃率兵衆大入城裕来其解 衆若已遁者明早開門使羸疾數人登城賊遥問劉裕 贼日來攻城城內兵力甚弱裕深慮之乃一夜偃旗匿 東晉末妖賊孫恩北出海鹽時劉裕拒之築城於海鹽 也表不罷兵後十餘日權果再到合肥城下不克而還 非本意也此必欲偽退以罷吾兵而倒還来虛掩不備 **兖豫諸軍皆集權等退部罷兵罷以為今賊大舉而還** 

金罗巴尼石書

欽定四庫全書 北京主沮渠蒙遊伐西京李歆於酒泉先攻浩疊蛇盤 諸軍大集可一舉滅之延不從而戰敗 也因獸猶鬬况乾歸乎今宜布陣而前步騎相接徐候 測破王廣尅楊定皆贏師以誘之雖最爾小國不可輕 後京日光遣将日延伐西秦大破之乞伏乾歸泣歎曰 总奮擊大破之 信之引師輕進司馬耿稚諫曰乾歸雄勇過人權畧難 死中求生正在今日乃縱反間稱乾歸東奔成紀吕延 **建新後集** 

中纂憑城拒守議者食以攻具未周不宜便進範曰輕 後魏将慕容白曜南征宋以酈範為副師以無鹽宋将 **恱進入都瀆澗蒙遜潛軍逆之敗歆於懷城遂進尅酒** 攻張掖蒙遜曰入吾計矣但恐間吾回軍不敢前也兵 於帳前蒙遜笑曰前一為螣蛇今盤在吾帳天意欲吾 事尚權乃露布西境稱得浩亹將進軍黄谷散聞而大 回師先定酒泉乃燒攻具而還次於川嵒聞歌集兵欲

歌定四車全書 成編後集 後魏末幽州刺史劉靈助以莊帝被爾朱兆所弑遂舉 魏遣将叱列延慶討之諸將謂延慶曰靈助善卜筮百 攻城崇朝而克 内整戎旅密勵將士出其不意可以攻而尅之白曜遂 兵唱義諸州豪右咸相通結靈助進屯於定州之安國 潛軍偽退示以不攻暴果不設備於是即夜部分晨便 軍遠襲深入敵境無宜淹留以失機便且篡必以我軍 來速不在攻守謂方城可憑弱卒可恃令若外潛威形 里

往襲可一舉而擒乃出頓城西揚聲將還簡精騎一 西魏末大将軍史寧與突厥木杆可汗同伐吐谷渾逐 夜發詰朝造靈助壘戰於北城遂破擒之 正欲出營城外說言西歸靈助聞之必信而自寬潛軍 妖術坐看符厭寧肯戮力致死與吾爭勝負哉如吾計者 去矣未若還師西入據關拒險以待其變延慶曰劉靈 姓信感所在響應未易可圖若萬一戰有利鈍則大事 助庸人也天道深遠豈其所識大兵一臨且彼皆恃其

起栅欲攻彌定寧謂諸將曰此悉入吾術中當進兵擒 吐谷渾人果開門逐之因迴兵奪門門未及闔寧兵遂 獠甘密欲圖之乃楊聲欲還甘聞之復招引叛 卷 化山 甘将百騎走投生卷譯廉王彌定遂得復位寧以未獲 西魏宕昌差獠甘作亂逐其王彌定魏将史寧討破之 得入生擒其征南王俘虜男女財寳盡歸諸突厥 奔賀真誠留具征南王及數千人固守寧進攻之偽退 至樹敦樹敦耶吐谷渾之舊都多諸珍藏而其主先已

次記り事と写

武編後集

里

金岁也是白電 都通好無尺寸之功者語以御史大夫伊實特穆爾代 海都犯邊巴延留拒之廷臣有潜巴延久居此邊與海 出谷間法尚捕不能得於是遣使慰諭假以官號偽班 之耳遂進孫甘衆至與戰大破之并獲等康王 隋雋州鳥蠻反遣,周法尚討之軍将至賊棄州城走散 聚飲相歡法尚遣歩騎數千人襲擊破之 師日行二十里軍在舍潛遣人覘之知其首領盡歸柵

之居巴延於大同以俟後命伊實特穆爾未至三驛會

欠己日月日前 必欲速戰若失海都谁任其咎諸将曰請任之即還軍 擊敗之海都果脱去乃名伊實特穆爾至軍授以印而 諸將以為怯憤曰果懼戰何不授軍於大夫巴延曰海 此冠而來未晚也巴 延與海都交兵且戰且却凡七日 都懸軍涉吾也邀之則追誘其深入一戰可擒也諸将 海都兵復至巴延 遣人伊實特穆爾曰公姑止待我翦 詭聲 武編後集 聖

隋末楊玄感反攻東都刑部尚書衛文升與玄感戰兵 子之恥也豈專孤之罪也齊烏枝鳴曰用火莫如齊致 華氏於新里 復即之厨人濮以裳裹首而荷以走曰得華岱矣遂敗 也衆從之公自楊門見之下而巡之曰國亡君死二三 人可籍死而不能送亡君請待之乃徇曰楊嶶者公徒 春秋時華登帥吴師以敗宋師公欲出厨人濮曰吾小 死齊致死莫如去備彼多兵矣請皆用劍從之華氏北

多分四月在書

袁公恐曹操掠動後軍還兵以益備聞者信以為然皆 |屯軍無嚴備今以輕兵襲之不虞而至燔其積聚不過 枚縛馬日夜從間道出人抱束薪所歷道有問者應曰 三日袁氏自敗矣操大喜選銳步騎皆用袁氏旗幟街 東漢袁紹將許攸降曹操因說曰袁氏輜重有萬餘騎 玄感與數干 騎乗之文升於是大敗 始會玄感許令人大呼曰官軍已得玄感矣官軍稍怠 詭形

次己の事で

武编後集

盟

金少口屋石雪 自若既至圍屯大放火管中驚亂大破之畫燔其糧穀 及寳貨 卷四

後周宋楊堅輔政周大將尉遲迫在河北拒命河南州

高士儒以萬人屯永昌仲文許移書州縣曰大軍将至 縣多從迫堅遣將于仲文討之迫將擅讓屯成武別將

可多積栗讓謂仲文未能卒至方槌牛享士仲文知其

萬屯於沛縣將攻徐州其妻子在金鄉仲文遣人詐為 怠選精騎襲之一日便至遂拔成武迫将席毗羅東十

衆來薄官軍仲文背城結陣出軍數里設伏於麻田中 兵可自歸如即屠之彼望絕矣衆皆稱善於是毘羅恃 兩陣總合伏兵俱發曳柴鼓課塵埃漲天毘羅軍大潰 勸屠之仲文曰此地是毘羅起兵之所當寬其妻子其 且至以為檀讓乃出迎謁仲文執之遂取金鄉諸将多 喜仲文簡精兵偽建逈旗幟倍道而進善爭選見仲文 鄉將宣蜀公今即尉遲迫賞賜将士金鄉人謂為信然皆 毘羅使者謂金鄉城主徐善爭曰檀讓明日午時到金

气局发表

萬計 梁葛從周圍兖州充人不出從周許揚言弁人耶人 城令騎軍挑戰梁軍大至莊宗率中軍以禦之時李從 **歩騎漸至李嗣源以鐵騎三千乘之梁軍大敗俘斬** 五代梁將戴思遠攻徳勝北城莊宗命李嗣源設伏於戚 京師江南悉平與吕蒙襲南郡恤關羽之衆戚屬同 珂偽為梁幟奔入梁壘斧其望樓持級而還梁軍愈恐

一多定匹庫全書

仲文乗之賊皆投沫水而死水為之不流獲擅讓檻送

老四年

與景崇送相為援乃引蜀軍出大散關勢不可遏暉數 我軍士突出掩殺千餘人生擒都將孫漢筠 救即引兵超高吴夜半潛却歸岩未瑾果出兵攻外壕 欠已日年人 幟循南山而下許令諸軍聲言川軍至矣景崇令數千 潛使千餘人於城南一舍之外擺甲執兵偽為蜀兵旗 戰而勝然後動而圍之軍屢使人挑戰賊終不出暉乃 朝廷命暉統兵討之時李守正叛於浦趙思館據於雍 五代漢除趙暉鳳翔節度屬王景崇叛據岐山不受代 武編後集 哭

斌畏懦保壁自固張齊賢選廂軍三千出正之右誓衆 景崇膽破無復敢出明年春擒之 感慨一以當百敵遂却走循胡盧河南而西先是約都 宋雅熙初張齊賢知代州敵騎自胡谷入冠溥城下神 師期既漏且虞美之衆為敵所来俄而美有使至云師 尉都校馬正以所部列南門外衆寡不敵副都署盧漢 八清園而出以為應援暉設伏而待 署潘美以并師來會戰無何間使為敵所得齊賢以 鼓盡殪之自是

金牙四月五十

卷四

| 機然多敵遥見之火光中有旗幟意謂并師至矣駭而 發兵二萬人持一幟負一束弱距州城西南三十里列 館有部并之全軍不得出戰已還州矣于時敵騎塞川 出并州行四十里至栢井忽得密記東路王師蚁於君子 器甲甚聚賢歸功漢斌捷奏至太宗嘉之優前褒美 北走齊賢先伏歩卒二千於土 燈岩掩擊大敗之擒具 齊賢曰敵知美之來未知美之退乃閉其使密室中夜 北大王之子一人帳前舎利一人斬數百級獲馬千餘

一次とり車全書 一人

武編後集

金安电点 焼廬舍持三日糧以示必死無一還心於是至則圍秦 秦末秦軍攻趙兵項羽救之引兵渡河皆沉船破釜甑 漢韓信擊趙使萬人先行出背水陣趙軍望見大笑平 諸侯軍無不人人惴恐 将皆從壁上觀楚戰士無不一當十楚兵呼聲動天地 侯諸侯軍救鉅應下者十餘壁皆莫敢縱及楚擊秦諸 将王離九戰絕其角道大破之虜王離當是時楚兵冠諸 死戰 1:1 THE

**飲定四車全書** 諸將皆曰非所及也 地使人人自為戰即與之生地皆走寧尚得而用之乎 得素拊循士大夫此所謂驅市人而戰也其勢非置死 走水上軍皆殊死戰不可敗遂破趙軍擒趙王歇諸将 明 反背水陣此何術也信曰此在兵法顧諸君不察耳兵 因問信曰兵法右背山陵前左水澤今者將軍令臣等 不曰陷之死地而後生置之亡地而後存乎且信非 信建大将旗鼓鼓行出井陘口趙開壁擊之良久信 **1** 武編後集 黑

糧已遂流去豈復有求生之計即惟宜死戰可立大功 并家在江南此是長安城北門外去家萬里而舫来衣 畢便棄船登岸渭水流急倏忽間諸艦悉逐流去時 人北土素無舟楫莫不驚以為神鎮惡既至令将士食 蒙衝小艦行船者悉在艦內沂渭而進艦外不見行船 惡至潼關請率水軍自河入渭直至渭橋鎮惡所来皆 宋武帝作相舉兵代後秦姚弘以王鎮惡為前鋒而鎮 汛屯軍在長安城猶數萬人鎮惡撫慰士卒曰卿諸

諸將壯其計從之魏人掎角作十三城慶之街枚夜出 鈔暴耳吾聞致兵死地乃可求生須屬圍合然後與戰 極多諸軍並無關志皆謀退縮豈是欲立功名直聚為 敵議退師慶之口兵來至此涉歷一歲麼費糧仗其數 梁將陳慶之守渦陽城與魏將相持自春至冬數百戰 騰勇爭先私衆一時奔潰即陷長安城 師老氣衰魏之援兵復欲築壘於軍後諸将恐腹背受 不然則無遺類耳乃身先士卒東亦知無復退路莫不

欠こりをいる

武编後集

四九

晉杜預襲吴樂鄉屬都督孫數州郡皆望風歸命奉送 多定四月全書 将葛從周自邢臺馳入魏州燕軍突之上水關攻館陶 唐昭宗時幽州劉仁恭率軍士十萬冠魏州屠其郡梁 門從周與卒五百騎出戰謂門者曰前有敵不可返顧 魏師遂大奔潰斬獲畧畫 陷其四壘所餘九城兵甲猶盛乃陳其俘馘鼓譟而攻 命闔其門從周極力死戰大敗燕人 乗勝 卷三四

**勉之宜及其衰來之可滅鼓行而進遂以定漢污** 將請待明訪日曾驍勇能戰向之敗也彼勞我逸是以 莫不東手遂平吴先議者慙而謝馬 東晉將周訪討賊杜曾曾大潰殺千餘人訪夜追之諸 節之後迎办而解也遂指授郡帥直指秣陵所過城邑 籍濟西一戰以併强齊今王師兵威已振譬如破竹數 潦方降疾疫将起耳候來冬更為大舉預曰昔熊樂毅 印綬時衆軍會議或曰百年之冠未可盡克今向暑水 弋扁发素 ኑ

往征金剛遁走太宗追擊大破之来勝逐比一日一夜 特從之復進攻徵潰圍走特遣將水陸追之遂害徵生 諸將進日徵軍速戰士卒傷殘智勇俱竭宜因其樂遂 行二百里轉戰十合士卒疲弊至高壁嶺總管劉弘基 唐武德初劉武周據太原使其将宋金剛屯河東太宗 擒徵子存以徵喪還之 擒之若舍而寬之徵養兵收亡餘衆更合圖之未易也 十六國蜀李特攻晉將張徵徵軍潰特議欲釋徵還治

|欽定四庫全書

卷四位集

執馬陳曰猴糧已竭士卒疲頓願且停管待兵糧成集 策馬去諸軍乃進其敢以饑乏為辭夜宿於准鼠谷之 破竹之勢也如是更遅留賊必生計此失機之道也遂 刚走到汾州衆心已沮我及其未定當來其勢擊之此 而後戰太宗曰功者難成而易敗機者難得而易失金 兩原太宗不食二日不解甲三日軍中苦餓此夕惟有 日超汾州金剛列陣南北七里以抗官軍太宗遣總管 一羊太宗撫將士與之同食三軍感恩皆饑而思奮明 武編後集 至

| 欽定四庫全書 太宗破薛仁果将宗羅睺於高摄来勝率二千餘騎追 大潰遂破之 賊大軍已敗餘衆何及為虞克魁之計盡於此矣遂率 泉而進至夜半軍臨城守埤者皆亂爭自投而下仁果 按兵以俟其變太宗曰慮之久矣破竹之勢不可失也 軍戰小却為賊所來太宗率精騎三千直複金剛賊衆 李勣等當其北翟長孫等當其南親御大軍以臨之諸 )實軟苦諫曰仁果猶據堅城雖破羅睺未可輕進請 卷四十十 とこうことところ 雕外則折擬自虚我軍隨而迫之所以懼而降也此可 未可得矣且其兵衆皆雕西人一 其計不暇發以故尅也宗羅睺恃往昔之勝兼復養節 窮感開門請降諸將奉賀因問曰始大王野戰破其將 日久見吾不出意在相輕今喜吾出悉兵來戰雖擊破 下咸疑不克而竟下之何也太宗曰此以權道迫之使 其主尚保堅城王無攻具輕騎騰逐不待歩兵徑薄城 '擒殺盖少若不急躍還走投城仁果沒而撫之則便 **武編後集** 敗退不及回顧散歸 ጟ

守忠天下驍賊也驟勝而敗此天與我也奈何縱之不 謂成奠諸君蓋不見耶諸將曰此非凡人所能及也 子儀固止之令還營懷恩固請往而復返一夕而四五 子儀曰將軍戰亦疲矣且休追明而圖之懷恩曰歸仁 郭子儀擊賊将李歸仁大破之日暮僕固懷思謂子儀 起運明課至守忠等果通 取若始得聚復為我患雖悔無及夫戰尚速何明日為 日賊必棄城走請以二百騎追之縛取李歸仁安守忠

多定四库全書

孟華以精卒救之中軍鼓譟演力戰大破之殭屍滿地 朱泚之亂賊驍将張庭芝逼柵求戰李晟謂諸將曰吾 號令誓師畢陣於光泰門外使王似李演率騎軍史萬 翌日將復出師諸將請待西軍至則左右夾攻晟曰賊 駱元光領華州兵管在北兵少賊併力攻之晟遣李演 恐賊不出今冒死而來天贊我也勒諸將縱兵擊之時 頃領歩卒直抵苑牆先是夜使人開苑牆二百餘歩至 既傷敗須乗勝撲滅若俟其有備豈王師之利哉晟乃 气扁发其

輕兵深入招遞吳將唐 魏諸葛誕據壽春及魏將王基討之司馬昭欲遣諸将 其餘克黨相率來降 來賊聞之驚潰官軍追斬不可勝計朱泚姚令言遁走 出於官軍之背晟以麾下百餘騎馳入左右呼曰相公 賊奔潰大軍分道並入驅蹙至於白華忽有賊騎千餘 此當先斬公等萬頃懼先登扳柵而入王佖騎軍繼進 是賊已立木柵賊倚栅拒戰晟叱軍士曰安得縱賊如 老四位年 子弟因費有湯覆吳之勢

大こうかんない 後周武帝伐齊軍次并州齊将安德王延宗擁兵四萬 時也且兵出踰年人有歸心今停馘十萬罪人斯得自 軍深入糧餉不総軍覆上却夫既勝之後必輕敵則處 袁紹於官渡自以所獲已多不復追奔懼挫威也從之 難不深今賊新敗於外又內患未弭是其修政設慮之 城城既不拔而衆死者大半蜀將姜維因洮上之利輕 歴代征討未有全兵獨克如今之盛者也昔武皇帝破 基諫曰告吳將諸葛恪乗東關之勝竭江表兵以圍新 武編後集 孟

青亦不從以謂趨利乗勢入不測之城非大將事智高 武窮兵幾於不濟 **僅乃得出至明率諸軍更戰大破之擒延宗并州平周** 騎入城東門令諸軍繞城置陣至夜延宗率其衆排車 出城拒帝帝率諸軍合戰齊人退帝栗勝逐北率千餘 狄青破儂智高智高兵敗奔邕州其下皆欲窮其窟穴 而前城中軍却人相蹂踐大為延宗所敗死傷略盡齊 欲閉門以門下積屍扉不得闔帝從數騎崎嶇危儉 卷四

金分四月 全書

大敗此青之所戒也臨利而能戒乃青之過人處 之進圍安陸仲禮聞隨郡陷恐安陸不守逐馳歸赴援 為名將譬如夹棋已勝敵可止矣然猶攻擊不已往往 之用兵主勝而已不求奇功故未常大敗計功最多卒 因而獲免天下皆罪青不入邕州脱智高於垂死然青 梁司州刺史柳仲禮留其長史馬岫守安陸自率步騎 萬冠西魏襄陽西魏将楊忠率宋南代攻梁隨郡克 兩敵

とこう いたいか

武编後集

蘣

策 襲之彼怠我奮一舉必克則安陸不攻自振諸城可傳 諸將恐仲禮至則安陸難下請急攻之忠曰攻守殊勢 唐武德中太宗圍王世充於東都世充勢窮實建德自 自陷陣擒仲禮悉俘其衆安陸及竟陵郡皆降如忠所 檄而定也於是選騎二千街校夜進遇仲禮於崇忠親 未可卒拔若引日勞師表裏受敵非計也南人多習水 軍不閉野戰仲禮迴師已在近路吾出其不意以奇兵

多岁四月分書

飲む四車台馬 一 武編後集 患者在於乏食是以為我所持建德總十萬餘衆來拒 若之何春府記室薛收進曰王充據東都府庫填積所 若不速進賊入武牢諸城新附必不能守二賊并力将 恃勝冒險爭鋒吾當破之必矣賊若不戰旬日之間世 德新破孟海公将縣卒情令我據武牢扼其襟要若賊 充自潰彼敗我振兵足以臨之矣一行两定在於斯舉 曰世充糧盡內外離心我當不勞攻擊坐次其弊耳建 河北來救諸將及蕭瑪等咸請且退師避之太宗不許 丢

武年太宗聞之逐牧馬千餘匹於河渚間以誘之詰朝 王元吉圍王世充親率三千五百人超武牢守之不與戰 縛麾下蕭瑀等奈何遂請退兵太宗曰善而從之留齊 戰必尅建德破則世充自下不過數旬二國之君可面 連轉河北之積以相資給則伊洛問戰鬪不已大王今欲 相持二十餘日建德謀何官軍豹畫牧馬於河北将襲 親率猛銳先樣成舉之險訓兵坐甲當彼疲弊之衆 王師亦當畫彼聽雄期於速戰若聽縱其至此兩冠相

分りした人言

心非造次可進欲且還太原以圖後舉太宗曰本與大 **寂及諸將議曰宋老生頓霍邑屈突通鎮河東二人同** 欠こりる ここう 生率精兵二萬屯霍邑以拒之會久雨糧盡與長史裴 隋末唐高祖義師發太原次靈石縣賈胡堡隋将宋老 宇文士及率騎經賊陣之西馳而南上賊陣動因而諸 軍為擊之大潰竟如太宗本策 建德果悉眾而至陣於泥水東太宗候其陣久卒機令 退據 武編後集 五七

東都山東将士知公有勤王之舉必以死從此則指 武后初徐敬業舉兵於江都稱臣復皇家以整屋科魏 刻期天下必定敬業将從其策薛璋又說曰金陵之地 主志在匡復兵貴神速但宜早度淮北親率大衆直入 思温為謀主問計於思温對曰明公既以太后幽執少 班師将恐義徒一朝解體還守太原一城之地此為賊 義以救着生當須先入成陽號令天下今遇小敵便即 爾何以自全高祖乃止太宗引師赴霍邑遂平老生 卷面 H

多定匹库全書

大こうる これ 遂敗 以取洛陽是必無能成事已可知敬業尋已悔之所以 兵勢宜合不可分令敬業不知并力度准率山東之東 前此則退有所歸進無不利實為良莫也敬業以為然 攻取常潤等州以為王霸之業然後率兵北上鼓行而 王氣已見宜早應之兼有大江設險足可以自固請且 乃自率兵四千人南度以擊潤州思温密謂杜求仁曰 苦戰 武编後集 季

多定四母全書 言病吾子恐之緣曰自始合苟有險余必下推車子豈 **援抱而鼓馬逸不能止師從之齊師敗績逐之三周華** 識之然子病矣張侯曰師之耳目在吾旗鼓進退從之 春秋時晉師伐齊陣於審晉解張御郤克鄭丘緩為右 也摆甲執兵固即死也病未及死吾子勉之左并轡右 此車一人殿之可以集事若之何其以病敗君之大事 曰自始合而矢貫余手及肘余折以御左輪朱殷豈敢 及戰卻克傷於矢流血及優未絕鼓音曰余病矣張侯 卷1 たこりゅんは **屯河北常有數千騎線河隨晉軍進止時晉軍人緣河** 晉劉裕率兵伐後秦姚沿後魏遣將鶩青等英騎十萬 不注 意并未動裕先命將朱超石戒嚴二千人白眊既舉超 率七百人車七百來於河北岸上去水百餘步為却月 掠遣軍總過岸即退軍還復來裕乃遣白直隊主丁旿 陣两頭抱河車置弓弩畢使立一白毦魏人初不解其 南岸牵百丈河流迅急有漂度北岸者輕為魏人所殺 武編後集

當遂奔潰 總兵會之魏大將費務帥衆掩至放軍營未立麾下 梁武帝遣曹仲宗等攻魏渦陽又以幸放為明威將軍 稍長三四尺以鎚鎚之一稍輕洞貫三四人魏衆不能 既多弩不能制超石初行别齊大鎚并千餘張稍乃斷 人見管陣乃進圍管超石先以軟弓小箭射之魏軍四 石馳往赴齊大弩百張一車益二十人設柵排於轅魏 面俱走攻管於是百弩俱發又遣善射者叢射之魏衆

多定 四戽全書

卷四

|屯河南入遣左將軍皇甫商拒之而敗張方率兵入洛 晉末河間王顒在關中遣将張方討長沙王人方率衆 去放属聲叱之日今日惟有死耳乃免胃下馬據胡狀 有二百餘人放從第洵騎果有勇力單騎擊刺屬折魏 處分士卒皆殊死戰莫不一當百逐北大破之諸營壘 軍洵馬亦被傷不能進放胃又貫三天衆失色請放突 時奔潰 敗

吹毛四車公馬 一

武編後集

曾銳氣甚盛訪曰先人有奪人之心菩謀也使將軍李 東晉將周訪討江沔間賊杜曾訪有聚八千進至池陽 出戰遂大敗 洛陽城七里义又新捷不以為意忽聞方壘成人師乃 志或勸方夜遁方曰兵之利鈍無常貴因敗以為成功 陽人奉惠帝討方於城內方軍遇見乗與於是引退止之 耳我更前作壘出其不意此用兵之奇也乃夜潛進逼 不得衆遂大敗方退壁於十二里橋人情挫動無復固

分しくしたといっ

卷四

隋末高祖起兵自太原至霍邑隋将宋老生守城太宗 鼓音乃進賊未至三十步訪親鳴鼓将士皆騰躍奔走 |恒督左甄許朝督右甄訪自領中軍高張旗幟曾果先 曽遂大潰殺千餘人遂定漢沔 **甄皆敗訪選精鋭八百人自行酒飲之勃不得輕動聞** 攻左右甄曾勇冠三軍訪甚惡之自於陣後射雉以安 衆心令小將趙盾領其父餘兵屬左甄力戰敗而復合 盾馳馬告急訪怒叱令更進盾號哭還戰自辰至申**两** 

と. ラー

大局发表

高祖而建成墜馬老生来之中軍與左軍成却太宗自 將遂衝斷其軍出其陣後表裏齊課情師大潰遂擒老 南原遥見塵起知義師退率二百騎馳下峻坂殺一賊 與建成合陣城東太宗陣於城南老生麾兵疾進先薄 汝者兩陣將交引左軍直趨東門命太宗引右軍直趨 生怒引兵三萬自東門南門分道而出髙祖謂建成曰 以數騎詣其城下舉鞭指揮若將圍城之狀且訴之老 南門以斷其歸路老生之軍背城而列陣高祖以中軍

一多定 匹庫全書

老正的 作 并

總管擊之遇於周樂衆寡不敵軍中大懼長儒慷慨神 聲不進者自後斬之既而鼓之士卒爭赴敵賊射之不 高縱火王師稍却斬其部将二十四人拔隊中 隋突厥沙鉢略可汗冦掠而南詔以逹奚長儒為行軍 能止因大破之 以代之勒兵復戰軟自率百騎殿於軍後令之曰聞鼓 隋末稽胡五萬餘人掠宜春竇軌討之與賊相遇賊来 生而平霍邑

萬計屬氣稍奪於是解去突厥本欲大掠秦龍既逢長 逐北十餘里契丹踰白溝而去晉軍結陣而南胡騎四合 色愈烈為屬所衝突散而復聚四面抗拒轉關三日畫 懼退保州契丹踵之晉軍至陽城契丹大至晉軍與戰 後晉開運中契丹擴衆南向約八萬餘騎晉將杜重威 儒共皆力戰屬意大沮明日於戰處焚屍慟哭而去 夜凡十四戰五兵咸盡士卒以拳歐之手皆見骨殺傷 「諸軍力戰拒之是日纔行十餘里人馬饑乏晉軍

欽定四庫全書

戸

老四後 集

擊之諸將繼至契丹却數百步彦卿等擁萬餘騎橫擊 後斷糧道是夕東北風大起破屋折樹營中掘井方尺 令歩兵盡拔鹿角出關步騎俱進逐北二十餘里鐵鶏 契丹呼聲動天地契丹大敗而走勢如崩山李守真亦 手就擒曷若以身狗國乃與張彦澤等引精騎出西門 甚時晉師居下風将陣弓弩無所施符彦卿曰與其束 水輛崩士卒取其泥帛絞而飲之人馬俱渴至曙風尤 人局发表 14

至白圍衛村埋鹿角為行寨契丹圍之數重竒兵出寨

**欽定四庫全書** 賊已破膽不宜更令成列遣精騎 擊之皆沒水去 戰所来馬两中流矢死凡三易來戰不却賊為引去 既下馬蒼皇不能復上皆委棄馬及鎧仗敬地杜威曰 原玠命諸将選勁亏强弩分番送射號駐隊矢連發不 耿全斌從征太原還遇虜於滿陰追擊至徐河因據水 自寶鷄結連珠營壘石為城夾澗與官軍相拒攻和尚 宋吳玠守春雕金烏珠會諸道兵十餘萬造浮梁跨渭 口要害遷補騎副兵馬使又改雲騎軍使屯瀛州與虜 老胸 往 得其情盖金人弓矢不若中國之勁利中國士卒不及 退忍耐堅久令酷而下必死每戰非累日不決勝不遽 夏每戰不過一進却之項勝負輛分至金人則更進迭 將問外所以制勝者於外第璘舜曰舜先從兄有事西 追敗不至亂蓋自昔用兵所未當見與之角逐滋久乃 大敗之為珠中流矢僅以身免亟剃其鬚髯而遁胡世 絕繁如雨注敵稍却則以奇兵旁擊絕其糧道度其因 且走設伏於神盆以待金兵至伏發東大亂縱兵夜擊

一欽定四車全書 一人 武編後某

意睨蜀東南之勢亦急微玠身當其衝無蜀久矣故西 春秋時楚子及諸侯圍宋宋公孫固如晉告急先軫曰 之間則璘有不能言者方富平之敗秦鳳皆陷金人 人至今思之 為無窮使不得休暇以沮其堅念之勢至決機於兩陣 突固不能相及於是選據形便出鋭卒更选撓之與之 金人之堅耐吾常以長技洞重甲於數百步外則其衝 攻必救

とこりこと ここ 曹衛必不許也喜路怒頑能無戰乎公說執曹伯而分 曹衛之田以界宋人遂與楚人戰大敗之 我欲戰矣秦齊未可若之何先軫曰使宋舍我而路齊 秦耤之告楚我執曹君而分曹衛之田以賜宋人楚爱 尹般如晉師告急公曰宋人告急舍之則絕告楚不許 報施救患取威定覇於是乎在矣狐偃曰楚始得曹而 新婚於衛者代曹衛楚必救之則齊宋免矣宋人使門 掩巢 武确发集 È

引兵入西山攻毒等本屯毒聞之棄東陽還魏武要邀 魏武征河北師次頓丘黑山賊于毒等攻東武陽魏武 趙 之直走大梁魏師遂退 内君不若引兵疾走大梁據其街路衝其方虚彼必釋 紛斜者不控捲救關者不搏賴批元檮虚形格勢禁則 魏代趙趙請救於齊田忌引兵枚趙孫臏曰夫解雜亂 自為解耳今魏趙相攻輕兵鋭卒必竭於外老弱罷於 而自救是我一舉解趙之圍而收弊於魏也田忌從 老四年1

一多 反 匹 庫全書

次にり事なら 必人懷內懼懼而求戰破之必矣遂整陣而過賊見兵 者攻其所必救也賊大衆在此樂窟虚矣我直指襄平 邑所以取過見陽也古人言敵雖高壘不得不與我戰 懿曰賊堅管島壘欲以老吾兵也攻之正入其計此王 棄賊而向襄平諸将言不攻賊而作圍非所以示衆也 於内黄大破之 南出賊盡赴之乃泛舟潛濟以出其北傍水作長圍忽 司馬懿征公孫淵淵遣歩騎數萬阻遼隧拒懿懿盛兵 武編後集 奕

尤說王邑曰昆陽城小而堅今假號者在宛亟進大兵 坐不生得以見責今将百萬之衆遇城而不能下何謂 彼必奔走則昆陽自服邑曰吾昔以虎牙将軍圍翟義 城與李軼等十餘騎夜出既至郾定陵悉發諸營兵嚴 出其後果邀之懿因謂諸將曰所以不攻其管正欲致 王邑嚴尤討之軍到城下者且十萬光武留王鳳等守 此不可失也乃縱兵逆擊大破之三戰皆捷 王莽末光武起兵據昆陽城時唯有八九千人莽遣将 卷四

金罗巴屋石重

欠らしりいましたはい 一般野埃塵連天鉦鼓之聲聞數十里或為地道或衝輣 兵来之斬首數百千級連勝遂前因大敗之王邑違尤 十級諸部喜曰劉将軍平生見小敵怯今見大敵勇甚 撞城積弩亂發矢下如雨城中負楯而汲王鳳等乞降 耶遂圍之數十里列營百所雲車十餘職臨城中旗幟 四五里而陣尋邑亦遣兵數千合戰光武奔之斬首數 不許光武遂與諸管部俱進自将歩騎千餘前去大軍 可怪也且復居前請助將軍光武復進尋邑兵却諸部 武編後集 华七

棄大葉而教石頭諸軍與峻戰東陵侃督部將斬峻於 當急攻石頭峻必救之而大葉自解侃又從美言峻果 之析也侃從之夜立壘訖賊見壘大驚賊攻大葉侃将 討之諸將請於查浦築壘監軍鄧岳曰查浦地下又在 救之長史殷美曰若大葉步戰不如峻則大事去矣但 水南唯白石峻極險固可容數千人賊來攻不便戮賊 攻死所以敗也 東晉將蘇峻反攻克石頭城據之晉將阻侃温嬌率兵 卷四

金与四月八十

てこうこうこう 岸即策馬西上直向世充本管左右麾旗相繼而至世 **充縱科獨處之密軍失利密與數子登船南濟自餘兵** 宜隘險然南逼洛水北阻太山地形褊促騎不成列世 馬皆東走月城世充乗勝長驅直至月城下密既渡南 窟密多騎兵長槍宜平寬放縱世充多步兵戈矛排費 其時密已渡洛水陳兵與世充相對東接月城西至石 王世充與李密相持於東都世充夜渡陣於洛水之北 陣賊衆遂潰 **汽扁发集** F

鼓建旗踰太行入上黨先聲後實傳檄而定折趣壺口 太宗討實建德入武牢進三其管多所傷殺凌敬進説 喪師徒密之行也東北之圍不救而自解西南之冠不 稍駭浦津收河東之地此策之上也行必有三利 兵西退自洛北達於黑石中間四十餘里奔赴顛狽大 充管內見密兵來逼急連舉六峰此充乃捨月城之圍收 日宜悉兵濟河攻破懷州河陽使重将居守更率衆鳴 戰而成功世充伏其權奇不復輕出

一多定匹庫全書

老面 有 1

光武東圍鉅鹿王郎守将王饒堅守月餘不下連攻不 竄於牛渚口唐軍生獲之 扶出於是悉衆進逼武牢官軍按甲挫其銳建德中槍 戰必將大捷已依衆議不得從公言也敬固爭建德怒 德從之退而謝敬曰今衆心甚 鋭此天贊我耳因此次 以亂其謀衆成進諫曰凌敬書生耳豈可與言戰乎建 建德將從之而世充之使長孫安世陰齊金玉咱其諸将 入無人之境師有萬全二則拓土得兵三則鄭圍自解 うるのなんとう

邯 身上馬衆軍不得已遂進并縱兵抄掠斬首數千級牛 赴後王以為併力取根本則前王自服固計未次秉喬 王前王前王即後王之子其庭相去五百餘里東議先 後漢將軍耿東與竇固合兵一萬四千騎擊車師有後 鹿進軍邯鄲連戰破之郎少傅李立開門納漢兵遂拔 邯郸若王郎已誅鉅鹿不戰自服矣從之乃留軍守鉅 克耿純曰久守鉅鹿士卒疲敝不如及大兵精銳進攻 鄲

**欽定四庫全書** 

老猫後集

大きり met Linkup 我擒如其未潰可令首尾奔命破之必也紹又不用竟 國不習水戰故散居東關且攻敵扼其喉樁其心夏口 魏文帝問司馬懿曰吳蜀宜討何者為先對曰吳以中 為曹操所敗 袁紹曹操相持於官渡沮授說紹遣騎將別為支軍於 馬羊十餘萬頭後王安得震怖將數百騎出迎秉降 外以絕曹操之援紹不從許攸進曰曹操兵少而悉師 拒我許下餘守勢必空弱若分遣輕軍星夜襲許操為 武編後集 キ

隋趙 更於江南岸置安蜀城以禦陳屬霖雨數旬城 頹 多页四月全書 糧援可恃有同困獸若不與其戰而徑越長安長安空 東關賊之心喉岩為陸軍以向皖城引權軍東下為水 斛律羌舉曰宇文黑賴雖聚山黨殭弱可知今固守無 東魏大将高歡率兵伐西魏濟河集諸將議進趣之計 軍向夏口来其虚而擊之此神兵從天而下破之必矣 軍門矣諸將議有異同遂戰於渭曲大敗而歸 虚可不戰而尅拔其根本彼無所歸則黑獺之首懸於 卷四

大三丁ial Aidin 其黨各散陳兵亦遁 武陽令来虛掩襲南鄉所居獲其父母妻子南鄉聞之 者百餘步蠻首鄭南鄉叛引陳将吳明徽欲掩安蜀議 者皆勸照益修守禦照不從乃遣使説誘江外生蠻向 軍從他道還更旗幟黎明圍宛城三匝南陽守欲自到 秦末沛公略南陽郡守宋齮走俱城守宛沛公引兵過 下宛宛從後擊强秦在前此危道也於是沛公乃夜引 而西張良諫曰沛公雖欲急入關秦兵尚衆拒險令不 武编後集 主

多灾匹库全書 後足下前則失成陽之約後又有强宛之患為足下計 約先入成陽者王之今足下留守宛宛大都也連城數 其舍人陳恢曰死未晚也乃踰城見沛公曰臣聞足下 莫若約降封其守因使止守引其甲卒與之西諸城未 十人民衆積蓄多吏人自以為降必死故皆堅守乗城 殷侯封陳恢千户引兵而西無不下者 今足下盡日止攻士死傷者必多引兵去宛必隨足下 下者聞聲爭開門而待足下矣沛公曰善乃以宛守為 卷四 次とり見なら 青在江陵遣衛尉席闡文勞軍因謂梁武曰今頓兵兩 亦足脱拒我師固非三千能下西陽武昌取便得耳得 荆雍控引秦梁糧道資儲聽此氣息兵若前進魯山必 救於魏與北連和猶為上策梁武謂闡文曰漢口路通 岸不併軍圍郢定西陽武昌取江州此機已失莫若請 蕭齊末梁武帝自襄陽率兵東下至郢州攻未拔蕭頡 阻污路所謂扼喉若糧儲不通自然離散何謂持久鄧 **元起近欲以三千兵往定潯陽彼若懽然悟機一酈生** 武編後集 圣

此之下計何謂上策及拔郢域向下城戍無不風靡遂 滅豈有北面請救以自示弱彼未必能信徒貼我醌聲 欲清天步况擁七州之兵以謀羣豎懸河注火奚有不 武昌自然風靡何遽分兵散衆自貽其憂且丈夫舉動 多牙口屋石量 土崩天下大事於是去矣若郢州既振席卷公流西陽 則首尾俱弱如其不遣孤城必陷一城既没諸城相次 有上者萬人攻一城兩城勢不能相救若我分軍應援 便應鎮守守两城不成萬人糧儲稱是卒無所出東君

とこういしい |鐵既在水陸二軍然其自統之兵亦皆勁勇惠亮等城 |巢穴丹陽既破惠亮自降孝恭欲從其議靖曰公祏精 强兵不戰之計城柵既固卒不可攻請直指丹陽掩其 惠亮為犄角之勢孝恭集諸將議皆云惠亮正通并握 ·亮率舟師三萬屯當塗陳正通領歩騎二萬屯青林山 |武德中李晴隨河間王孝恭討輔公祏公祏遣將馮惠 尅建業 仍於梁山連鐵鏁以斷江路築却月城延袤十餘里與 武編发集 1

惠亮奔走靖率輕騎先至丹陽公祏大懼先遣偽将左 然之情乃先擊惠亮苦戰破之殺傷及溺死者萬餘 若攻其城柵乃是出具不意滅賊之機惟在此舉孝恭 遊仙領兵守會稽以為聲援公柘擁兵東走以趨遊仙 敵恐非萬全之計惠亮正通皆是百戰餘賊必不憚於 野戰止為公祐立計令其持重但欲不戰以老我師今 留停旬月進則公祐未平退則惠亮為患此便腹背受 柵尚不可攻公祏既保石頭豈應易拔若我師至丹陽

|多定匹庫全書

卷四年1

とこうし こう 迎自出戰又破之迎窮迫自殺 次河陽迫所置儀同薛公禮等園偏懷州遣兵擊破之 後周時的發關中兵以章孝寬為元帥東討尉遲迎軍 已遣兵據之諸将士以此城當路請先攻取孝寬曰城 進次懷縣永橋城之東南其城既在要衝雉埃牢固逈 至吳郡與惠亮正通并相次擒獲江南悉平 為也於是引軍次於武陟因大破迫子惇惇輕騎走郭 而固若攻而不拔損我兵威令破其大軍此亦何能 18.7 武骗多集 アナコ

**動定四庫全書** 幸即宜攻取但拔萃縣聊城益懼因而逼之易同俯拾 唐武德初宇文化及據聊城准安王神通進兵躡之秘 書丞魏徵謂神通曰化及據聊城華人為其固守岩至 之善者神通不從軍次苹果不下而退散 及非旬月可獲萃人阻我糧運化及為之外援恐非計 無攻具不下如不能射萃而遠追化及恐亦無功則化 須以攻具自隨一足威敵二不乏用不然兵至華城見 堅壁 卷直 四月 1

蜀 穿晉君之壻也有罷而弱不在軍事好勇而狂且惡史 其屬曰史駢必實為此謀將以老我師也趙有側室曰 秦師於河曲史駢曰秦不能久請深壘固軍以待之從 春秋時春為令孤之役故秦伯伐晉晉趙盾禦之以從 退 駢之佐上軍也若使輕者肆焉其可乃皆出戰交級而 之秦人欲戰秦伯謂士會曰若何而戰對曰趙氏新出 大将諸葛亮悉大衆十萬由斜谷出始平據武功五 しまい

賊不復出矣亮曰彼本無戰心所以固請者示武於衆 老翁何煩詭誑如此懿與亮相持百餘日亮卒於軍中 使二千餘人就管東南角大聲稱萬歲亮使問之答曰 懿懿亦屢表請戰魏使衛尉辛毗杖節制之諸将皆曰 吳朝有使至請降亮謂曰計吳朝必無降法卿是六十 耳将在軍君命有所不受苟能制吾豈千里請戰耶懿 丈原魏將司馬懿的師拒之與亮對於渭南懿固壘不 戰亮分兵屯田為久駐之基屢使交書及致巾幗以怒

欽定四庫全書

老鄉後集

及軍退懿乃行營壘曰天下奇才也 推標

秦姚苌與符登相持未解登将魏揭飛率氏胡數萬人

攻古城雷惡地應之攻李潤萇議將討之羣臣咸曰陛

下不憂六十里符登乃憂六百里揭飛美日登非可卒

珍吾城亦非食所能卒圖惡地多智非常人也南引揭 飛東結董成甘言美說以成姦謀若得杏城李潤惡地

據之控制遠近相為奶翼長安東北非復吾有於是潛

**飲定四車全書** 

武編後集

東魏丞相高歡自將率兵伐西魏屯軍蒲坂造三道浮 惡地請降 **壘不戰示之以弱潛遣子崇率騎數百出其不意以乗** 其後揭飛兵擾亂長遣步騎擊之揭飛衆大潰斬揭飛 巢穴東北無復餘也揭飛等以養兵少盡衆來攻養固 之首尾不絕甚每一見軍至轍有喜色羣下怪而問之 曰今同惡相濟皆來會集吾得来勢席卷一舉而覆其 軍赴之長時聚不滿二千揭飛惡地衆至數萬氏胡赴 次足の車全書 來兵未出郊賊顧謂吾但自守耳無遠鬬意又忸於得 宇文泰出軍廣陽名諸將謂曰賊令圍吾三面又造橋 将何及也泰曰歡前在襲潼關吾軍不過霸上令者大 而自走矣諸将成曰賊令再近捨而遠襲事若差跌悔 多銳卒屢勝而驕今出不意襲之必克克泰則數不戰 於河示欲必渡欲級吾軍使實泰得西入耳久與相持 其計得行非良策也且高數用兵常以泰為先驅其下 橋渡河又遣其將實泰超潼關高敖曹圍洛州西魏將 武編後作 き

志有輕我心來此擊之何往不見財雖造橋未能徑至 隱其事伴若未有謀者而獨問策於尚書直事即中字 城走歡亦撤橋而退宇文泰初與諸將謀成難之泰乃 之斬泰傳首長安高敖曹適陷洛州聞泰死焚輜重棄 泰卒聞軍至惶懼依山為陣未及成列泰乃縱兵擊破 還長安聲言欲往隴右既而潛軍東出晨與至小關資 此五日中吾取實泰必矣幸公等勿疑泰遂率騎六十 文深對曰竇泰歡之驍将也亟勝而輕敵令者大軍若

次定り車全書 持重未即救之則實泰可擒也既擒實泰歡勢自沮回 軍禦之可以制勝泰喜曰是吾心也君即吾之陳平山 不如選輕銳之卒者出小關泰性躁惡必來次戰高數 就蒲坂則高歡拒守竇泰援之内外受敵取敗之道也 武骗後集 **ンナハ** 

武編後集卷四					
					E.
				·	
	122 NO 122 N		32.54		